

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐՈՒԹՅՈՒՆ
ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ
ԻՆՍՏԻՏՈՒՏ

Հերթական ատեստավորման ենթակա ֆիզիկական կուլտուրայի
ուսուցիչների վերապատրաստման դասընթացներ

ԾԱՏՐՅԱՆ ԱՐՄԵՆ ԻՇԽԱՆԻ

186 հիմնական դպրոց

**ԱՐԴԱՐԱՅԻ ԽԱՂԸ ԳԱՂԱՓԱՐԸ ԴՊՐՈՑԱԿԱՆՆԵՐԻ ԻՐԱՎԱԿԱՆ
ԴԱՍՏԻԱՐԱԿՈՒԹՅԱՆ ԳՈՐԾԸՆԹԱՑՈՒՄ**

ՀԵՏԱԶՈՏԱԿԱՆ ԱՇԽԱՏԱՆՔ

Ղեկավար՝

Արտակ Ստեփանյան

մ. գ. թ. դոցենտ

Երևան- 2023

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	3
ԳԼՈՒԽ 1. «ԱՐԴԱՐԱՑԻ ԽԱՂ» ՀԱՍԿԱՑՈՒԹՅՈՒՆԸ	
1.1. Արդարացի խաղը և դրա դրսևորման անհրաժեշտությունը սպորտում.....	5
1.2. Կրթության ոլորտում բարոյահոգեբանական դաստիարակությունը՝ որպես անձի ձևավորման գործոն.....	9
ԳԼՈՒԽ 2. «ԱՐԴԱՐԱՑԻ ԽԱՂԸ» ԴՊՐՈՑԱԿԱՆՆԵՐԻ ԻՐԱՎԱԿԱՆ ԴԱՍՏԻԱՐԱԿՈՒԹՅԱՆ ԳՈՐԾԸՆԹԱՑՈՒՄ	
2.1. Կրթական ոլորտում իրավական մշակույթ հայեցակարգը, տեսակները, գործառույթները և կառուցվածքը.....	13
2.2. Դպրոցական տարիքի երեխաների իրավական մշակույթի դաստիարակության ձևերը, մեթոդները և սկզբունքները.....	15
ԵԶՐԱԿԱՑՈՒԹՅՈՒՆ.....	18
ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....	20

ՆԵՐԱԾՈՒԹՅՈՒՆ

Թեմայի արդիականությունը: Հասարակության մեջ լինելով՝ աշակերտները պետք է ծանոթ լինեն վարքագծի կանոններին, բարոյական արժեքներին, իրավունքներին և պարտականություններին, պետության օրենքներին և կանոնակարգերին: Դպրոցականները պետք է հոգեբանորեն և գործնականորեն պատրաստ լինեն հասարակության մեջ տեղի ունեցող փոփոխություններին, բարոյական և իրավական նորմերի շրջանակներում սոցիալական պատասխանատվության և վարքագծի անկախության բարձրացմանը:

Իրավական մշակույթն ապահովում է անձի ազատության և անվտանգության ապահովումը, երաշխավորում է անձի իրավական պաշտպանությունը և ձևավորում քաղաքացիական գործունեություն, ստեղծում բարոյական մթնոլորտ, որտեղ բոլոր մարդիկ պաշտպանված են կամայականությունից և կարող են ազատորեն իրականացնել իրենց ստեղծագործական գործունեությունը: Վաղ դպրոցական տարիքից կարևոր է ուսուցանել և զարգացնել իրավագիտակցությունը, ինչպես նաև զարգացնել քաղաքացիական որակները և իրավական մշակույթը, քանի որ ապագայում դպրոցականները կբախվեն բազմաթիվ իրավիճակների, երբ անձնական գիտակցությունը կլինի քաղաքացիական դիրքի և բարոյական հասունության ցուցիչ:

Արդարացի խաղը սպորտային պատվի խորհրդանիշ է, յուրաքանչյուր անհատի ստեղծագործական մտքի և կարողությունների գնահատելու, արժանավայել ապրելու, արարելու և միաժամանակ մարդկանց արժանապատվություն ու բարեկամական ջերմ մթնոլորտը մարդկանց և ազգերի մինջև պահպանելու գրավականը:

Մարզական ամենաբարձր նվաճումներն անգամ կարող են աննկատ մնալ, չընդունել ու չգնահատել ըստ աժանավույն, եթե դրանք ձեռք են բերվել բարոյական ցածր մակարդակի ու դաստիարակության տեր մարդկանց կողմից և անարդար ճանապարհով:

Նույնիսկ օլիմպիական ոսկին չի փայլի, եթե այն ձեռք է բերվել անարդար ճանապարհով: Ցավոք սպորտում հատկապես բարձր նվաճումների սպորտում, քիչ չեն օրինակներ, որոնք իրենց բացասական դրսևորումներով ստվեր են գցում սպորտի, նրա հեղինակության և ընդհանրապես օլիմպիզմի վեհ գաղափարների վրա: Շատ

մարզիկներ, նույնիսկ մրցավարներ ու մարզիկներ, հանուն անձնական շահի ու փառքի, հանուն քաղաքական ինտրիգների հաճախ խախտում են ազնիվ մրցակցության կանոնները, հակադրելով «արդարացի խաղի «ոգու՛ն ու սկզբունքներին: Նման երևույթների կանխման միակ ուղին եղել ու մնում է մարզիկների բարոյահոգեբանական դաստիարակությունը:

Նշյալով էլ պայմանավորված է աշխատանքի արդիականությունը:

Հետազոտության նպատակը և խնդիրները: Հետազոտության հիմնական նպատակն է ներկայացնել և ուսումնասիրել արդարացի խաղի գաղափարը դպրոցականների իրավական դաստիարակության գործընթացում: Այդ նպատակների իրականացումը ենթադրում է կոնկրետ խնդիրների լուծում, որոնք էլ ապահովում են աշխատանքի տրամաբանությունն ու կառուցվածքը:

Առաջադրված նպատակին հասնելու համար աշխատանքում առաջադրվել են հետևյալ *խնդիրները*՝

- Վերլուծել հիմնախնդրի վերաբերյալ մասնագիտական գրականություն:
- Ներկայացնել արդարացի խաղը և դրա դրսևորման անհրաժեշտությունը սպորտում:
- Պարզաբանել դպրոցականի ուսուցման գործընթացում արդարացի խաղի դերը:
- Լուսաբանել դպրոցական տարիքի երեխաների իրավական մշակույթի դաստիարակության ձևերը, մեթոդները և սկզբունքները:

Աշխատանքի կառուցվածքը և ծավալը: Աշխատանքը բաղկացած է բովանդակությունից, ներածությունից, երկու գլուխներից, որոնք իրենց հերթին բաղկացած են ենթագլուծներից, եզրակացություններ բաժնից, օգտագործված գրականության ցանկից:

ԳԼՈՒԽ 1. «ԱՐԴԱՐԱՑԻ ԽԱՂ» ՀԱՍԿԱՑՈՒԹՅՈՒՆԸ

1.1. Արդարացի խաղը և դրա դրսևորման անհրաժեշտությունը սպորտում

Մարդկային արժապատվությունը, արդարությունն ու ազնվությունը միշտ պետք է ուղեկից լինեն սպորտային ցանկացած մրցապայքարի: Արդարացի խաղը սպորտի հոգևոր հարցն է, նրա հիմնաքարը ու առանց դրա սպորտը զարգացում չի ունենա, ինչպես և չեն պահպանվի օլիմպիզմի ոգին ու գաղափարները: Ինչպես նոր օլիմպիական խաղերի հիմնադիր Պիեռ դե Կուբերտենն է ասել. -» Արդարացի խաղը և օլիմպիզմը անբաժանելի են»: Իսկ Արդարացի խաղի միջազգային կոմիտեյի նախագահ Վիլի Դոմի խոսքերով. «Եթե անարդարությունները և օրինախախտումները մեր ժամանակների բնորոշ հատկանիշներից են, ապա Արդարացի խաղը այն բանալին է, որով կարելի է հասնել դրանց վերացմանը»:

Ուրեմն, եթե Արդարացի խաղը չդառնա մարդկային անընդունելի երևույթների դեմ պայքարի կարգավորիչ և «դեղամիջոց» ապա սպորտի, հատկապես մեծ սպորտի ապագան վտանգված կլինի:

«Արդարացի խաղ» տերմինը ծեփել է անգլո-սաքսոնական երկրներում և առաջին հայացքից թվում է, թե կապ ունի միայն սպորտի հետ: Սակայն այն նշանակում է առաջին հերթին մաքուր, արդար խաղ: Իսկ միթե մարդկային կյանքն իրենից խաղ չի ներկայացնում: Կյանքն ինքն խաղ է, և այն պետք է լինի արդար, ազնիվ առանց նեգատիվ երևույթների¹:

Անկախ ամեն ինչից «Արդարացի խաղը» սպորտում շատ առանձնահատուկ արժեք է ներկայացնում: Այն սպորտը դարձնում է բարոյական՝ հակադրելով անարդարություններին: Ճիշտ է ասված նպատակը չի կարող արդարացնել սխալ միջոցները: Վերջապես արդարության կանոնների խախտումը հակադրվում է նաև Աստծո պատվիրաններին ու ուսմունքին:

Արդարացի խաղի սկզբունքները բխում են օլիմպիզմի վեհ գաղափարախոսությունից և մարդկային պարզ հարաբերություններից: Այն ներառում է ոչ միայն կանոններ և գրված օրենքներ, այլև

¹ Սամվելյան Լ. Ա. , Սպորտը և արդարացի խաղը: Երևան, 2006, 96 էջ

- ճիշտ և պարզ բարոյահոգեբանական դրսևորումներ առանձին մարդկանց և ազգերի միջև,
- այն յուրօրինակ հարգանք է մեկ-մեկու նկատմամբ,
- առողջության բարելավման և վնասվածքներից զերծ պահելու կարողություն է,
- առանձնահատուկ վերաբերմունք է իր և մրցակցի նկատմամբ:

Արդարացի խաղը սկսվում է գրված և չգրված օրենքների ստույգ և անթերի կատարումով ու ենթադրում է.

- Ինքնահարգանք, ինչպես նաև հարգանք մրցակցի հանդեպ:
- Այն մրցակցին հավասարվելու անկեղծ ցանկություն է:
- Ազնվության դրսևորում է գիտակցականության մի այնպիսի մակարդակ, երբ մրցակիցը ավելի բարձր է դասվում ու ավելի մեծ արժեք ունի, քան ինքը խաղը կամ մրցույթը:
- Վերաբերմունքի յուրօրինակ ձև է, հավատարմության գրված և չգրված օրենքների ճիշտ կատարման հանդեպ:
- Վերջապես, «Արդարացի խաղը» նախ և առաջ յուրաքանչյուր մարդու անհատականության դրսևորումն է, նրա ողջ էությունը և կատարելիությանը:

Արդարացի խաղի սկզբունքները ամենամեծ արժեքներն են սպորտում, հատկապես այն մարզաձևերում, որտեղ կա երկկողմանի մրցակցություն²:

Մասնագետները նշում են, որ մենամարտային մարզաձևերով զբաղվողները համեմատաբար ավելի շատ են խախտում արդարացի խաղի կանոնները ու սկզբունքները: Եվ դրա հիմնական պատճառը անհատի հումանիստական աշխարհայացքի ձևովորման ժամանակահատվածում բռնցքամարտի կամ ըմբշամարտի խիստ պահանջներն են, որոնք բացասաբար են անրադառնում Մարզիկների վրա:

Հայաստանի ազգային օլիմպիական կոմիտեին (ՀԱՕԿ) կից գործող, «Արդարացի խաղ» հանձնախումբը առաջարկում է մի շարք միջոցառումների կազմակերպում պատանի մարզիկների հետ տարվող աշխատանքներում.

² Սամվելյան Լ. Ա. , «Արդարացի խաղ բոլորի համար», մենագրություն, 2007

1. Կազմակերպել և անցկացնել բազմաբովանդակ զրույցներ և վերլուծություններ սպորտի արժեքների, օլիմպիական շարժման, մարզիկների բարոյական դաստիարակության և այլ թեմաներով:
2. Անցկացնել զրույցներ օլիմպիական խաղերի «Արդարացի խաղի», սպորտի էթիկական կողմերի, մրցավարական կանոնների, աշխարհահռչակ մարզիկների բարոյականային հատկությունների և նրանց մարդասիրական արարքների մասին:
3. Անհատական աշխատանք պատանի մարզիկների և նրանց մարզիչների շրջանում: Այստեղ լայնորեն օգտագործել «Արդարացի խաղի» Եվրոպական շարժման կողմից մշակված հատուկ հարցաթերթիկը, որտեղ հիմնականում ուշադրություն են դարձնում արդարացի խաղի հետևյալ սկզբունքներին.
 - հավասարության / հավասար հնարավորություններ/,
 - պատասխանատվության բարձրացում,
 - առողջության պահպանում,
 - մրցութային կանոնների պահպանում:

Պատասխաններն ու վերաբերմունքը գրանցվում է չորս տարբերակով՝ լիովին համաձայն եմ, մասնակի եմ համաձայն, համաձայն չեմ, չգիտեմ:

4. Մրցույթների և վիկտորինաների կազմակերպում:

Մարզումների ընթացքում կազմակերպվող վիկտորինաների ժամանական հենց իրենք մարզիկները հանդես են գալիս որպես մրցավարներ, գնահատում են իրենց ընկերների արարքներն ու գործողությունները, բացահայտում են թույլ տված կոպտություններն ու սխալները և միջոցներ են մշակում դրանք վերացնելու համար: Մարզիչը տալիս է հատուկ առաջադրանքներ և հանձնարարականներ մարզիկների ինքնազարգացման, ինքնագնահատման և ինքնադաստիարակության նպատակով: Տրվում է հատուկ գրականություն, կազմակերպվում են վիկտորինաներ, «Արդարացի խաղը» թեմաներով, մարզիկներին առաջարկվում է գրել համառոտ շարադրություն:

5. «Արդարացի խաղի» մրցույթի կազմակերպում երկու հիմնական անվանակարգերով՝

- մարդասիրության և կամային հատկանիշների դրսևորում մրցամարտի ժամանակ,
- գեղեցիկ մարտավարություն և վարվելաձև:

Հատուկ պատրաստված թերթիկները նախօրոք բաժանվում են մարզիչներին, մարզիկներին և նույնիսկ երկրպագուներին, որոնք էլ նշումներ են կատարում այս կամ այն մարզիկի բարոյական վարքագծի, մարտ վարելու և էթիկական նորմերի պահպանման, գեղեցիկ մարտավարության, մրցակցի վերաբերմունքի, մրցավարների որոշումներին նրանց վերաբերմունքի և, վերջապես նրանց արձագանքին ու զսպվածությունը հանդեպ հանդիսատեսն ու արտաքին այլ ազդակները:

6. «Արդարացի խաղը բոլորի համար» նշանաբանով տարբեր միջոցառումների և մրցույթների կազմակերպումը նույնպես կբարձրացնի ճանաչողության և բարոյահոգեբանական և բարոյական դաստիարակության մակարդակը: Չկա որևէ մարզաձև, որտեղ արդարացի խաղի սկզբունքները չհանդիսանան գաղափարական արժեքներ ու չկարևորվեն հասարակության կողմից:

Ներկայումս օլիմպիզմը, լինելով կյանքի փիլիսոփայություն, ուր սպորտը ու մշակույթը միաբանվում են արվեստի ու կրթության հետ պետք է միավորի հասարակական արժեքները և ոչ թե առանձնանա որպես երևույթ: Այդ համատեքստում հասարակական արժեքների պահպանման միակ ուղին եղել և մնում է օլիմպիզմի ոգին պահպանող արդար ու ազնիվ հարաբերությունները ազգերի և ժողովուրդների միջև:

Սպորտում «արդարացի խաղի» դրսևորումների անհրաժեշտությունը³

Այն երիտասարդները, երեխաները, որոնք զբաղվում են սպորտով, ֆիզիկական կուլտուրայով պետք է մեկ անգամ իրազեկ լինի «Արդարացի խաղի» կանոնների պահպանման հետևյալ ձևերին.

- բանավեճի մեջ չմտնել մրցակցի, մրցավարի և հանդիսատեսի հետ,
- հաշտվել և հավասարապես ընդունել թե հաղթանակը, թե պարտությունը,
- անկախ ստեղծված պայմաններից և իրադարձություններից, տիրապետել իրավիճակին և ցուցաբերել բարձր գիտակցություն,

³ International fair play. Official page. Available at: <http://www.fairplayinternational.org/what-is-fair-play> (Accessed: 15 May 2021).

- հարկ եղած դեպքում ցուցաբերել կամք, զսպվածություն և հանդուրժողականություն,
- ընդունել և հարգել մարզչի, մրցավարի դիտողություններն ու հանձնարարականները,
- հիշել և պահպանել սպորտի բարոյական նորմերն ու արժեքները:

Քանի որ մեծ սպորտում կա մրցակցություն, հաղթանակի հասնելու ավելի անաչառ ձգտում և պայքար, ուստի և արդարացի խաղի կանոնները պահպանելը ավելի դժվար է ու երբեմն անհնար:

Մեծ սպորտի արդարացի ու ազնիվ Խաղի ոգու պահանջները դժբախտաբար խախտվում են ոչ միայն մասնակիցների, այլև բազմաթիվ մարզիչների, ծնողների, հովանավորների, առևտրային ընկերությունների, ակումբների, ֆեդերացիաների և նույնիսկ պետական այրերի կողմից: Վերջինիս դեպքում այն կրում է քաղաքական բնույթ և խիստ բացասաբար է անդրադառնում ժողովուրդների բարեկամության և համերաշխության վրա:

Անվիճելի է, որ եթե մարզիկը հույսը դնում է ինչ-որ միջոցների, հատկապես ղեկավարների միջամտության վրա, նրա ուժերը կրճատվում են կիսով չափ: Իսկ եթե նա նպատակ ունի հասնել առավելության արդար ճանապարհով հակառակը կրկնապատվում և ավելանում են կարողությունները:

Պաշտոնյաների կողմից ֆիզիկական, բարոյական և ֆինանսական չարաշահումները և ճնշումները օրենքի շատ լուրջ խախտումներ են և ուղղակիորեն ստվեր են զցում մրցակցության և մեծ սպորտի վրա: Այս դեպքում կարևոր է շրջապատի ազդեցությունը և անմիջական միջամտությունը:

1.2. Կրթության ոլորտում բարոյահոգեբանական դաստիարակությունը՝ որպես անձի ձևավորման կարևորագույն գործոն

Ներկա դարաշրջանի ժամանակակից պահանջներն իրենց հետքն են թողնում ապագա սերնդի ֆիզիկական դաստիարակության և առողջ ապրելակերպի վրա: Գնալով, ինչպես բուհերում, այնպես էլ երկրի մասշտաբով կտրուկ պակասել է

Ֆիզկուլտուրայով և սպորտով պարապոզների թվաքանակը, որն իր բացասական ազդեցությունն է թողել նրանց բարոյականային որակների և առողջության վրա⁴:

Նշելով «Արդարացի խաղի» սկզբունքների ու կանոնների կարևորությունը, որպես մարդկային հոգևոր հարստություն՝ կրթության ոլորտի ռազմավարական ծրագրերում անհրաժեշտ է հատուկ տեղ հատկացնել նրանց տարածմանը և արմատավորմանը: Միայն այդ ձևով հնարավոր կդառնա բարելավել երկրի տնտեսությունը և հզորությունը, իսկ «Արդարացի խաղի» սկզբունքների և կանոնադրական պահանջների արմատավորումը պետք է լրացնի յուրաքանչյուր ուսումնական հաստատության ռազմավարական ծրագրերը:

21-րդ դարում ամբողջ աշխարհում տեղի ունեցող սոցիալտնտեսական և քաղաքական բուռն զարգացումները և լուրջ փոփոխությունները պարտադրում են մարդկանց մոտ ձևավորելու նոր մարդասիրական աշխարհայացք և գիտակցություն: Այս առումով պատահական չէ, որ միջազգային օլիմպիական կոմիտեն՝ ՄՕԿ-ը, 21-րդ դարը հռչակել է արդարացի խաղի դարաշրջան՝ կոչ անելով ողջ մարդկությանը բարության և համերաշխության:

Մինչդեռ աշխարհում և առանձին երկրներում տեղի ունեցող իրադարձությունները պարտադրում են վերանայել ու միջոցներ գտնել երկիրն էլ ավելի խաղաղ ու կառավարելի դարձնելու համար: Աշխատանքի նպատակն է, «Արդարացի խաղի» ոգուն և կանոններին համապատասխան, վեր հանել մարդկային արժեքների պահպանման կարևորությունը երիտասարդության, մասնավորապես ուսանողության շրջանում և ուղիներ մատնանշել բացասական երևույթներից ձերբազատվելու համար:

Շատ երկրներ, անհատներ և ղեկավարներ հանուն անձնական շահի, փառքի և հանուն քաղաքական ինտրիգների հաճախ խախտում են ազնիվ մրցակցության և մարդասիրության սկզբունքները՝ հակադրվելով ողջ աշխարհում ընդունված «Արդարացի խաղի» ոգուն և կանոններին:

Մտածելու տեղիք է տալիս հատկապես այն փաստը, որ շատ ղեկավարներ այսօր ավելի հակված են «Հաղթանակ ամեն գնով» կարգախոսին, քան բանակցային գործընթացին և արդար համագործակցությանը: Վտանգավոր է այն միտքը, որ

⁴ Բաբայան Կ., Սոցիալական արատների կանխարգելումը սպորտում /մանկավարժահոգեբանական ասպեկտ / Երևան, 2003

«Արդարացի խաղի» կանոնները երբեմն խոչնդոտում են առանձին ղեկավարներին և պատճառ դառնում տվյալ երկրի, կամ գործընթացի առաջխաղացմանը: Հենց այստեղ էլ երկրները կորցնում են իրենց բարոյական նկարագիրը:

Հասարակական արժեքները, հավատը, հավասար իրավունքներն ու մարդկային համարժեք հարաբերություններն իրենց տեղը զիջում են էգոիստական, սեփականատիրական, վաշխառուական և այլ կոռուպցիոն երևույթներին: Կարծում ենք, որ նման երևույթների կանխարգելման միակ ուղին եղել ու մնում է.

1. մարդկանց, հատկապես երիտասարդ սերնդի բարոյահոգեբանական դաստիարակությունը և առանձին ղեկավարների նվիրվածությունը և հայրենանվեր աշխատանքը՝ երկիրը զարգացնելու և խաղաղությունը ապահովելու համար,

2. անձի բարոյական վարքագիծը և գիտակցությունը՝ հանուն ընդհանուր շահի և պետության հզորացման,

3. մարդկանց ցանկությունների և պարտականությունների իմացությունը և կողմնորոշումը,

4. մարդկանց պատասխանատվությունների կառուցվածքային աստիճանական բարեփոխումները՝ ի շահ մարդկային արժեքների պահպանման և ամրապնդման,

5. մարդասիրության գրված և չգրված օրենքների և սկզբունքների պահպանումը:

Ասվածից հետևում է, որ մարդասիրական իդեալների ու արժեքների մասին գիտելիքների ձեռքբերումը և արմատավորումը պետք է 33 լինի յուրաքանչյուր մարդու սուրբ պարտականությունը՝ անկախ սեռից և կրոնական պատկանելիությունից: Յուրաքանչյուր մարդ՝ հատկապես երիտասարդ, պետք է սովորի ու պահպանի «Արդարացի խաղի» այնպիսի սկզբունքներ ու կանոններ ինչպիսիք են՝

1. Ինքնահարգանքը, ինչպես և հարգանքը դիմացինի նկատմամբ:
2. Արդարության, ազնվության ու բարեհոգության պահպանումը:
3. Օրենքների և որոշումների նկատմամբ հարգալից վերաբերմունքը:
4. Բարեկամի, նույնիսկ հակառակորդի նկատմամբ դժվարին պահերին բարոյաֆիզիկական օգնություն և աջակցություն ցուցաբերելը:
5. Յուրաքանչյուր հաղթանակ և պարտություն արժանապատիվ ընդունելը:

6. Ցանկացած պարզ և բարդ իրավիճակներում ինքնատիրապետումը, հիշելը, որ «Չկա ավելի մեծ հաղթանակ, քան հաղթանակը հենց քո նկատմամբ» (Պլատոն):

Յուրաքանչյուր երիտասարդ և պատանի պետք է հիշի և պահպանի մարդասիրական այնպիսի հասարակ, միաժամանակ կարևոր դրույթներ ինչպիսիք են՝

1. արդարությունը՝ յուրաքանչյուրի պարտքն է լինել արդար և ազնիվ,
2. նվիրվածությունը՝ դու նվիրված ես քո հայրենիքին, ազգին և ընտանիքին,
3. ընկերությունը՝ դու ընկեր ես բոլորին և համայն մարդկությանը, բարի ես ու բարյացկամ,
4. գթասրտությունը՝ դու բնության և կենդանիների պաշտպանն ես ու բարեկամը,
5. մաքրությունը՝ դու մաքուր ես մտքով, խոսքով, գործով, ողջ մարմնով ու հոգով,
6. աշխատասիրությունը՝ դու աշխատասեր ես և սկզբունքային:

Այս և ուրիշ շատ սկզբունքներ ու դրույթներ պետք է արմատավորվեն ու պահպանվեն մարդկանց մոտ դեռևս վաղ տարիքից՝ դպրոցում և երիտասարդության շրջանում, մասնավորապես ուսանողական մթնոլորտում: Ինչպես հայտնի է, ուսումնական հաստատություն են ընդունվում տարբեր սեռի, տարբեր բնավորությունների և հնարավորությունների, ֆիզիկական տարբեր պատրաստվածության և բազմաթիվ առողջական խնդիրներ ունեցող երիտասարդներ և աղջիկներ⁵:

Միակ առարկան, որը կարող է միացնել, համատեղելի դարձնել նրանց հարաբերությունները, մտերմությունն ու բարեկամությունը, ինչպես և զբաղվել նրանց առողջության բարելավման հարցերով, եղել և մնում են ֆիզիկական դաստիարակությունը և այն բազմաբնույթ սպորտային միջոցառումները, որոնք անց են կացվում կրթական ծրագրերի շրջանակներում և դրանից դուրս: Մյուս կողմից, ներկա դարաշրջանի ժամանակակից պահանջներն իրենց հետքն են թողնում ապագա սերնդի ֆիզիկական դաստիարակության և առողջ ապրելակերպի վրա:

⁵ Захаров М. А., «Педагогическая технология формирования поведения в духе «Fair Play» субъектов спортивных единоборств», Межд. форум «Молодёжь - наука – олимпизм», Москва, 2002г., 218 с.

ԳԼՈՒԽ 2. «ԱՐԴԱՐԱՑԻ ԽԱՂԸ» ԴՊՐՈՑԱԿԱՆՆԵՐԻ ԴԱՍՏԻԱՐԱԿՈՒԹՅԱՆ ԳՈՐԾԸՆԹԱՑՈՒՄ

2.1. Կրթական ոլորտում իրավական մշակույթ հայեցակարգը, տեսակները, գործառույթները և կառուցվածքը

Իրավական մշակույթը հատուկ սոցիալական երևույթ է, որը որակապես բնութագրում է ինչպես անհատի, այնպես էլ ամբողջ հասարակության իրավական վիճակը: Իրավական մշակույթն արտահայտում է հասարակական կյանքի օբյեկտների միջև հարաբերությունների էթիկան: Սա յուրահատուկ ինտելեկտուալ ոլորտ է, որն ունի իր առանձնահատկությունները, որը իրավական գիտության ուսումնասիրության առարկա է:

Իրավական մշակույթը հասարակության իրավական համակարգի տարր է, որն անհրաժեշտ է պետության բնականոն գործունեության համար: Այն արտացոլում է ոչ միայն մարդու գործունեությունը իրավական ոլորտում, այլև դրանից դուրս, կապված է իրավական գիտելիքների կիրառման հետ: Իրավաբանական գիտելիքներն անհրաժեշտ են ոչ միայն իրավաբանական առարկաներ ուսումնասիրելու համար, դրանք անհրաժեշտ են գրեթե բոլոր ոլորտներում, որտեղ կիրառվում են իրավական նորմեր, գործում են օրենքներ:

Իրավական մշակույթը համարվում է հասարակության հատուկ իրավական ակտիվ, որը կարող է ընկալվել որպես հասարակության, անհատի կամ սոցիալական խմբի որակական իրավական վիճակ: Իրավական մշակույթը ձևավորվում է աստիճանաբար. Հասարակության քաղաքացիական իրավունքի մշակույթի անմիջական ազդեցության տակ ձևավորվում է անհատի քաղաքացիական իրավունքի մշակույթ: Այն ներառում է քաղաքացիական և իրավական մշակույթը, քաղաքացիական իրավունքի հարաբերությունների նորմերի մի շարք, հոգևոր և բարոյական արժեքներ, գիտելիքների համակարգ և դրանց ներդրում առօրյա կյանքում: Հետևաբար, որքան շուտ դպրոցականները սկսեն ուսումնասիրել իրավունքին առնչվող հարցեր, այնքան ավելի պատրաստված կանցնեն հասուն տարիքի:

Պատահական չէ, որ Հայաստանի Ազգային Օլիմպիական Կոմիտեյի գործկոմի նիստով քննարկվել է և հաստատվել մեր հանրապետության արդարացի խաղի ճանաչման և տարածման հատուկ ծրագիր, որի նպատակն է⁶.

1. Ուժեղացնել սպորտի բարոյադաստիարակչական արժեքները:
2. Կրթության, գիտության, մամուլի և լրատվության տարբեր միջոցներով նպաստել անձի հոգևոր, բարոյական և ֆիզիկական կատարելիությունը՝ հանուն արդարության և խաղաղության պահպանմանը ողջ աշխարհում:
3. Մարդկային արժանապատվությունը, ազնվությունը, արդարությունը դարձնել յուրանչյուր անհատի ուղեկիցը սպորտում, կենցաղում:
4. Պահպանելով «արդարացի խաղի» կանոնները ու սկզբունքները, ֆիզկուլտուրան և սպորտը դարձնել բոլորի համար հաճելի զբաղմունք, ժամանց, լիարժեք հանգիստ և թարմության, առողջության և երկարակեցության, նաև նպատակ մեծ բարձրունքներ նվաճելու համար:
5. Ստեղծել մի այնպիսի միջավայր, որտեղ արդարացի խաղը արմատավորվի և տարածվի մարզական, ուսումնական բոլոր հաստատություններում, ակումբներում և այլուր:
6. Արդարացի խաղի կանոնների և սկզբունքների պահպանմամբ ու անշեղորեն կատարմամբ բարձրացնել և ամրապնդել ժողովուրդների բարեկամությունը և համերաշխությունը:
7. Աջակցել և օգնել մարզական այն կազմակերպություններին, ֆեդերացիաներին, որոնք ցանկություն ունեն և լրջորեն զբաղվում են մարզիկների շրջանում ազնվության և արդարության գաղափարների տարածման ու ամրապնդման հարցերով:
8. «Արդարացի խաղ» հանրապետական շարժումը միանում է աշխարհի առաջադեմ ուժերին, որոնք պայքարում են հանուն օլիմպիական շարժման միասնության, բացառում են օլիմպիական ոլորտում քաղաքական, ռասայական կրոնական և այլ խտրականությունները, պայքարում են հանուն արդար ու ազնիվ գաղափարների տարածմանը ողջ աշխարհում: Հայաստանի

⁶ Սամվելյան Լ. Ա. , Սպորտը և արդարացի խաղը: Երևան, 2006, 96 էջ

«Արադարացի խաղի» կոմիտեն, ինչպես և միջազգային ու եվրոպական «Արդարացի խաղ» շարժումը ոչ պետական հասարակական կազմակերպություն է, որը հետևելով օլիմպիզմի սկզբունքներին, զբաղվում է արդար , ազնիվ գաղափարների տարածմամբ սպորտում և այլուր:

2.2. Դպրոցական տարիքի երեխաների իրավական մշակույթի դաստիարակության ձևերը, մեթոդները և սկզբունքները

Դպրոցական երեխաները կարող են վատ որոշումներ կայացնել, որոնք ազդում են նրանց ապագայի վրա, ուստի կարևոր է զգուշացնել նրանց դավաճանության հետևանքների և արդար խաղի մասին: Այս դասը միտված է հայկական հասարակության մեջ դոպինգի նկատմամբ «զրոյական» հանդուրժողականություն ստեղծելուն: Խորհուրդ է տրվում դասընթաց անցկացնել առնվազն վեց ամիսը մեկ անգամ⁷:

Միջոցառումների նպատակային համակարգը, որը ձևավորում է քաղաքացիության վերաբերմունքը, օրենքի գերակայությանը համապատասխանելը, կոնֆլիկտային իրավիճակների, վեճերի և իրավախախտումների կանխարգելման ժամանակակից քաղաքակիրթ ուղիները, կոչվում է իրավական մշակույթի կրթություն:

Ուսումնական գործընթացի իրականացման համար անհրաժեշտ պայման է սովորողների լավ կողմնորոշումը օրինականության, օրինական վարքագծի, իրավախախտումների իմացության և կատարված արարքների համար պատասխանատվության հարցերում: Կարևոր է, որ երեխաները իմանան բարության, պարկեշտության իրական հասկացությունները, ուշադրություն դարձնեն բարոյականության և արտաքին տեսքի հարցերին, պատվո կանոններին, անձնական իրավունքների և ազատությունների իմացությանը՝ համաձայն ՀՀ Սահմանադրության: Անհատի իրավական մշակույթը վերաբերում է հոգևոր կարգի երևույթին, որը հասարակության և պետության կողմից ուղղված է իրավագիտակցության բարձր

⁷ Գրիգորյան Յու.Գ. Մինասյան Հ.Ս. , «Ֆիզիկական կուլտուրա»առարկայի չափորոշիչ և ծրագիր. Երևան 2007, 139 էջ

մակարդակի դաստիարակմանը և զարգացմանը, իրավական վարքագծի և գործունեության արժեքային-նորմատիվային համալիրին:

Իրավաբանական կրթությունը նպատակաուղղված ազդեցություն է կրտսեր դպրոցականների գիտակցության վրա՝ իրավական մշակույթի բարձր մակարդակ կրթելու համար: Իրավաբանական կրթության հիմնական ձևերը ներառում են, առաջին հերթին, իրավաբանական կրթությունը, ինչպես նաև իրավաբանական կրթությունը և իրավական քարոզչությունը:

Հանրակրթական դպրոցում երեխաների և դեռահասների ֆիզիկական դաստիարակությունն առաջացրել և շարունակում է առաջացնել մեր հասարակության աճող մտահոգությունը: Հիմնական նպատակ է ճանաչվել երեխաների, դեռահասների և երիտասարդների ֆիզիկական դաստիարակության և վերականգնման խնդիրների համապարփակ լուծման անհրաժեշտությունը՝ ուղղված ֆիզիկական և հոգևոր բարելավմանը և երիտասարդ սերնդի մոտ ֆիզիկական դաստիարակության և սպորտի գիտակցված կարիքի ձևավորմանը:

Ի՞նչ եզրակացությունների պետք է գան աշակերտները դասից հետո.

- Դոպինգը խաբեություն է, իսկ խաբելը վատ է:
- Պետք է իմանաք և հետևեք կանոններին, որպեսզի խաղն արդար լինի (Ինչպես ցանկացած գործունեության, այնպես էլ սպորտում կան կանոններ, որոնք մարզիկը պետք է նախ իմանա և երկրորդը՝ հետևի: Դա արվում է, որպեսզի կարողանանք գնահատել բուն խաղը, նախապատրաստական մարզումը, մարզիկի կատարումը: Եթե ուսանողները կարծում են, որ կանոնները կարող են / պետք է խախտվեն, որ դրանում ոչ մի վատ բան չկա, ապա կարող եք նրանց նկարագրել. եթե կանոնները խախտելու մեջ վատ բան չկա, ապա միգուցե ավելի լավ է դրանք ընդհանրապես վերացնել, իսկ մարզիկները թող անեն այն, ինչ ուզում են՝ դոպինգ, փոխարինեն միմյանց, որպեսզի դառնան առաջինը և այլն: Այս իրավիճակի քննարկման նպատակն է աշակերտներին փոխանցել այն միտքը, որ կանոնները կարգի են բերում մրցույթը, քանի որ այս կերպ կան որոշ ընդհանուր պարամետրեր, որոնցով կարելի է գնահատել խաղը: Առանց կանոնների՝ անարխիա կլինի:)

- Դուք պետք է հարգեք ինքներդ ձեզ և ձեր հակառակորդներին (այս կետը կապված է նախորդ կետի հետ: Ձեր, ձեր թիմի և ձեր հակառակորդների նկատմամբ հարգանք ցուցաբերելու ամենաարդյունավետ և վստահ ձևը կանոններով խաղալն է: Միայն այս դեպքում խաղալու ունակությունը, թիմային աշխատանքը լիովին կդրսևորվի: Բացի այդ, հարգանք ցուցաբերելու մեկ այլ միջոց է մրցակցին մինչև մրցույթի մեկնարկը ձեռքսեղմումով բարևելն է, իսկ խաղից հետո, անկախ արդյունքից, նույն կերպ շնորհակալություն հայտնել նրանց խաղի համար:
- Պետք է հոգ տանել ձեր առողջության մասին (առողջության նկատմամբ հոգատարությունը սպորտի գլխավոր նպատակն է: Եթե մարզիկը առողջ է, նա կկարողանա ավելի լավ մարզվել և ավելի լավ արդյունքներ ցույց տալ մրցումներում: Կանոնավոր և չափավոր ֆիզիկական ակտիվությունը բարենպաստ է ազդում առողջության վրա: և երիտասարդացնում է մարմինը: Կանոնավոր վարժությունները օգնում են պայքարել հոգնածության դեմ և էներգիա հաղորդել: Կարևոր է պահպանել առօրյան՝ ուտել հավասարակշռված դիետա, քնել առնվազն 8 ժամ, միաժամանակ գնալ քնելու, կատարել վարժություններ և մարզվել: Խրախուսվում է դասարանում խոսել դոպինգի հետևանքների մասին, կարող եք օգտագործել նկարագրողումներ Դոպինգ՝ մահվան բարձր ռիսկ, սրտի անբավարարություն, ինսուլտ, շաքարախտ, ավելորդ քրտնարտադրություն, կոպիտ մաշկ, գիշերային խռմփոց, քաղցկեղի ռիսկի բարձրացում և այլն):
- Խաղը պետք է զվարճալի լինի (Սպորտը զվարճալի է, և դա կարևոր է հիշել: Երբ դուք մարզվում եք, ձեր մարմինն արտազատում է էնդորֆիններ՝ հորմոններ, որոնք բարելավում են ձեր տրամադրությունը, նպաստում են արդյունավետ գործունեությանը և տալիս են ուրախության զգացում:

ԵՁՐԱԿԱՅՈՒԹՅՈՒՆ

Ամփոփելով սույն ավարտական աշխատանքը, հետազոտության և վերլուծության արդյունքների հիման վրա կարելի է անել հետևյալ եզրակացությունները, որոնք արտահայտում են ուսումնասիրության առանցքային դրույթներն ու հիմնական եզրակացությունները:

Եթե ուշադիր հետևենք սպորտի ծագման զարգացման և մասսայականացման առաջընթացին, ապա կտեսնենք, որ նրա հիմքում ընկած են օլիմպիական հիմնական գաղափարները, որոնք գոյություն են ունեցել տարբեր ժամանակաշրջաններում դրանք են «Արդարացի խաղ», «Արագ,Բարձր, Ուժեղ», « Կարևորը հաղթանակը չէ»: Սրանք հանդիսանում են ժողովուրդների բարեկամության և համերաշխության խորհրդանիշներ:

Մանկավարժության բնագավառում էթիկական դաստիարակության նոր ձևերի ու սկզբունքների հիմնավորումը այսօր քան երբևէ, դարձել է ժամանակի հրամայական պահանջ: Միայն այս ձևով հնարավոր կդառնա գնահատել ու ճանաչել իսկական արժեքները, ստեղծել նոր հասարակություն իր նոր մտածելակերպով ու սովորություններով: Սպասվում է, որ ապագայի երիտասարդությունը կլինի ավելի գիատկից, խաղասեր ստեղծագործ ու սիրով լեցուն իր և շրջապատի նկատմամբ: Այդ ամենին հասնելու ձևերից մեկն էլ սպորտի արժեքների ու նրա գաղափարների ճիշտ դաստիարակությունն է ու կիրառումը կյանքում ու հասարակության մեջ, ու այդ ամենի հիմքում ընկած է էթիկական կրթությունը և բարոյագիտական դաստիարակությունը: Ներկայումս մարդկությունը ականատես է տեխնոլոգիանների հզոր առաջընթացի, մյուս կողմից անարդարությանը, բարոյական նորմերի ոչնչացմանը, պատերազմին, ռասիզմին, աղքատությանը, թշվառությանը և մարդկության ապագան, առավելապես պայմանավորված է նրա մարդասիրական գաղափանների իրականացումից:

1. Գործնական և տեսական սեմինարների և խորհրդակցությունների կազմակերպում ոչ միայն մարզիկ-մասնակիցների, այլև մարզիչ-մանկավարժների, ղեկավարների և ներկայացուցիչների համար:
2. Ազգային ֆեդերացիաները, ֆիզկուլտուրային և սպորտի բնագավառի բոլոր կազմակերպությունները ու մարցավարական հանձնաժողովները մրցումների կանոնները և կանոնադրությունները կազմելիս պետք է առաջնորդվեն հավասարության սկզբունքով՝ պահպանելով «Արդարացի խաղի», արդար մրցակցության պայմանները:
3. Անկախ մրցումների մաշտաբից ու բնույթից սահմանել Հատուկ մրցանակ «Արդարացի խաղը» նշանաբանով: Հատուկ ուշադրություն դարձնել մրցումների գրավչությանը, դրանց հուզականությանը և այլ հոգեբանական կողմերին ու բարոյական դրսևորումներին:
4. Ազգային ֆեդերացիաները և կազմակերպությունները պետք է մշակեն ու կիրառեն նաև հատուկ ծրագրեր, ինչու չէ նաև հատուկ թեստեր պարզելու համար առանձին մարզիկների վերաբերմունքը արդար խաղի կանոնների խախտման դրդապատճառների դրսևորումների նկատմամբ:
5. «Արդարացի խաղի» գաղափարների և տեսական գիտելիքների հաղորդման ու տարածման նպատակով հաճախակի կազմակերպել և անցկացնել դասախոսություններ, գործնական պարապմունքներ, հրատարակել ուսումնական ու մեթոդական ձեռնարկներ ուղեցույցներ, նյութեր ու հոդվածներ նվիրված արդարացի դրսևորումների ու սկզբունքներին:
6. Սահմանել արդարացի խաղի պարզևներ, որոնք կարող են լինել ֆեդերացիաների, ազգային օլիմպիական կոմիտեյի, նախարարությունների կողմից:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Բաբայան Կ., Սոցիալական արատների կանխարգելումը սպորտում /մանկավարժահոգեբանական ասպեկտ / Երևան, 2003
2. Գրիգորյան Յու.Գ. Մինասյան Հ. Ս. , «Ֆիզիկական կուլտուրա» առարկայի չափորոշիչ և ծրագիր. Երևան 2007, 139 էջ
3. Սամվելյան Լ. Ա. , «Արդարացի խաղ բոլորի համար», մենագրություն, 2007
4. Սամվելյան Լ. Ա. , Սպորտը և արդարացի խաղը: Երևան, 2006, 96 էջ
5. Захаров М. А., «Педагогическая технология формирования поведения в духе «Fair Play» субъектов спортивных единоборств», Межд. форум «Молодёжь - наука – олимпизм», Москва, 2002г., 218 с.
6. International fair play. Official page. Available at: <http://www.fairplayinternational.org/what-is-fair-play> (Accessed: 15 May 2021).